

TAKHTA KERAJAAN

Negeri Sembilan



oleh:

Abdul Samad Idris

TAKHTA KERAJAAN

NEGRI SEMBILAN.



DI-KARANG, DI-SUSUN
DAN
DI-TERBITKAN



OLEH:

ABDUL SAMAD IDRIS,
(HAK PENGARANG TERPELIHARA)



DAFTAR ISI-NYA.

	Muka.
1. Asal nama Seri Menanti	... 5.
2. Negeri Sembilan Sa-belom beraja	... 11.
3. Kematian Dato' Penghulu Naam	... 15.
4. Asal Orang Empat Istana	... 18.
5. Asal Nama Negeri Sembilan	... 25.
6. Ganti Raja Melewar	... 28.
7. Perang dengan Dato' Kelana dan Inggeris	... 32.
8. Inggeris mula menchekam	... 40
9. Perjanjian Yam Tuan Seri Menanti dengan Undang Yang Empat dan Inggeris	... 46.
10. Peratoran menabalkan Yang di-Pertuan, N. S.	... 55.
11. Riwayat Tuanku Muhammad Shah	... 65.
12. Kemangkatan Tuanku Muhammad	... 68.
13. Riwayat rengkas almarhum Tuanku A. Rahman	... 76.
14. Yang Maha Mulia Tuanku Menawir	... 81.
15. Pergadohan ketika melantek Tengku Imam Janggot	86.
16. Peratoran menabalkan yang di-Pertuan Besar, N. Sembilan.	... 90.
17. T. Durah T. Ampuan Negeri Sembilan.	... 101.
18. Istiadat Penghulu2 mengadap.	... 109.
19. Perjanjian di-Antara Yang di-Pertuan Besar Seri Menanti dengan Undang Yang Empat	... 119.
20. His Hinghness Tuanku Menawir	... 121.
21. Hak Raja dan pantang larang-nya	... 125.



Penyusun dan pengarang buku ini mengucapkan sa-tinggi2 tahniah dan daulat dergahayu ka-pada D.Y.M.M. Tuanku Munawir, D.M.N., S.P.M.B., dan Tuanku Ampuan Durah menaikki takhta singgahsana Kerajaan Negeri Sembilan.

Mudah-mudahan Tuhan lanjutkan usia zaman Baginda sehat walafiat memerentah dengan adil dan seksama yang akan memberikan kebahagiaan dan kemaamoran kepada raayat dan negara.

Achapan Pertabalan Duli D.M.M.

Yang di-Pertuan Besar Tuanku
Munawir S. M. N., S. P. M. B.

dan

Tuanku Ampuan N. Sembilan

dari:



GUTHRIE & COMPANY
LIMITED,



SEREMBAN, N. S.

SEKAPOR SIREH.

Alhamdulillah-lah dengan inayah Tuhan yang maha kuasa, maka dapat-lah saya menyusun buku yang kecil ini untuk dipersembahkan kapangkuan saudara2 terutama dan istimewa kapada mereka yang menchintai sejarah tanah ayer-nya. Saya mengaku dengan sa-sungguh-nya ada-lah buku yang di-beri nama "Takhta Kerajaan Negeri Sembilan" ini ada-lah sa-buah buku yang sama sekali belum lengkap dan saya sendiri merasa belum puas hati di-atas-nya, baik isi-nya begitu jua susunan yang mengenai teknik dan jua penggal2 yang terkandung di-dalam-nya, insha-Allah sa-kira-nya buku ini mendapat sambutan dari penggemar-nya akan di-usahakan dengan sa-baik-nya2 bila perchetakan yang kedua kali-nya nanti.

Selain dari bertujuan hendak menuliskan chatetan2 sejarah yang selama ini bermain dari mulut ka-mulut orang tua2 sahaja, maka saya persembahkan buku ini kapada keturunan kita akan datang sekurang-nya sebagai bahan penyiasat bagi mereka untuk menyelami lagi sedalam-nya2 lubok sejarah kampong halaman dan tanah ayer-nya yang selama ini ada-lah di-tuliskan orang2 yang bukan-nya ra'rat negeri ini.

Buku ini telah saya karang dan susunkan sa-telah mendapat bahan2 dari beberapa segi, ia-itu dari perchakapan mulut ka-mulut orang tua2, keterangan2 yang di-beri dari mereka yang maseh ingat dan lagi dari buku chatatan istana yang maseh ada tersimpan dengan baik-nya. Apa yang menarek hati dari beberapa perkara yang saya anggap penting, ia-lah tulisan perjanjian2 yang di-buat dalam kurun yang ka-sembelan belas, ketika mana belum ada sa-buah sekolah pun terdiri dalam negeri ini, menilik dari jalan bahasa yang di-karang oleh orang tua2 zaman itu sa-sungguh-nya mengkagumkan kita jika di-bandingkan dan di-nilai dari pelajaran dan keadaan zaman-nya, akan tidak kena-lah pada tempat-nya dan bagi mereka yang tidak menghargai usaha sa-saorang sahaja-lah yang akan menganggap sepi akan kebijaksanaan orang tua2 dahulu dalam karang mengarang dan surat menyurat dalam bahasa-nya.

Tidak lupa saya menguchapkan berbanyak2 terima kaseh kapada Y. T. M. Tengku Besar Burhanudin dan Y. B. Dato' Penghulu Dagang Adam bin Yusoff Orang Empat Istana yang telah memberikan beberapa bahan yang berguna untok saya menyusunkan buku ini, begitu juga kapada yang berkenaan di-Istana Besar Seri Menanti yang telah menolong saya memberikan beberapa kemudahan untok mendapatkan beberapa bahan yang mustahak. Kapada sidang pembacha yang mulia, saya mendahului menghulorkan tangan meminta maaf di-atas beberapa kesilapan yang akan tuan2 temui dalam masa membacha nanti, anggap-lah kesalahan2 yang di-temui itu sebagai satu kesilapan yang tidak di-sengajakan dan berlaku sechara kebetulan jua.

Seri Menanti,
Negeri Sembilan,
1 hb. April, 1961.

Salam hormat dan taazim dari saya.
Abdul Samad Idris.





Duli Y.M.M. Tuanku Munawir S.M.N., S.P.M.B.
Gambar 1959.

PERATURAN MENABALKAN YANG DI-PERTUAN BESAR, NEGERI SEMBILAN.

DI-BALAI PENGHADAPAN DAN SINGGAHSANA:

Sa-telah Dato'2 Lembaga, Penghulu2 Luak dan Pegawai2 yang berjawatan mengambil tempat-nya masing2 dan juga jempotan2 khas telah sedia dudok di-tempat-nya, maka Orang Empat Istana pun mempersilakan duli Yang Maha Mulia ka-Balai Penghadapan, bagini-lah chara dan susunan yang telah di-buat ketika menabalkan almarhum Tuanku Abdul Rahman pada 26 haribulan April 1934:

Pukul 2.10 petang, Orang Empat Istana mempersilakan duli Y. M. M. ka-Balai Penghadapan, duli Y. M. M. di-dahului oleh Orang Empat Istana dan Orang Enam serta Apit Lempang dan pegawai2 dengan alat kebesaran yang berbalut dengan kain kekuningan2 dan di-iringi oleh Putera Yang Empat dan Tengku Besar Tampin dan anak2 raja sampai ka-Balai Penghadapan. Duli Y. M. M. bersemayam di-atas Singgahsana Takhta Kerajaan, Y. M. M. T. Ampaun mengiring sa-belah kiri-nya, T. Besar dan T. Muda Serting timbalan sabelah kanan, Tengku Laksamana dan Tengku Penglima Besar timbalan sabelah kiri.

Orang Empat dan Orang Enam Istana berdiri di-kiri kanan tangga Singgahsana dan Apit Lempang memegang alat kebesaran, Bentara Kanan berdiri di-tiang kanan Singgahsana yang di-hadapan, Bentara Dalam berdiri di-belakang-nya, Bentara Kiri berdiri di-tiang kiri Singgahsana yang di-hadapan dan Bentara Prempuan berdiri di-belakang-nya.

Apabila sudah mustaed di-Balai Penghadapan, maka bangkit-lah Dato' Kelana Putera Imam segala Undang bersabda kepada Bentara kanan demikian:

“Hai Bentara Kanan serukan-lah kata kami Undang Yang Empat kepada sakelian ra'ayat tua dan muda, kaya miskin, hina dina dalam alam Negeri Sembilan ini, ada pun pada hari ini kami menabalkan Tuanku Abdul Rahman Ibni Almarhum Yang di-Pertuan Besar

T. Muhammad Shah naik takhta Singgahsana Kerajaan Negeri Sembilan dan kita sakelian menjunjung duli dan ia-itu Tuanku Abdul Rahman menggantikan Seri Paduka Ayahanda-nya yang telah mangkat dan telah di-jadikan oleh Undang Yang Empat pada masa sebelum di-Makamkan Seripaduka Ayahanda-nya kepada Hari Khamis 3 haribulan August 1933”.

Maka Bentara pun bangkit dengan berdiri kaki sebelah kiri dan di-angkatkan kaki kanan di-tekanakan tapak-nya pada pelipat kiri serta di-angkat tangan yang kanan di-hamparkan jari-nya melintang di-dahi-nya dan di-angkat tangan kiri di-hamparkan serta di-tumpukan hujung jari-nya di-pipi kiri berseru dengan nyaring suara-nya:

“Hai Tuan2 sakelian mulia dan hina besar dan kechil tua dan muda, ada-lah Undang Yang Empat dengan adat istiadat menabalkan Yang di-Pertuan Besar Tuanku Abdul Rahman Ibni almarhum Yang di-Pertuan Besar Tuanku Muhammad Shah naik di-atas singgahsana Takhta Kerajaan Negeri Sembilan”, lalu di-jawap oleh sakelian yang hadir “Daulat Tuanku” berturut2 tiga kali. Dato’ Seri Amar di-Raja pun menurunkan daulat serta kebesaran pun di-keluarkan daripada sarong kekuningan2.

Sa-lepas itu Dato’ Bentara pun menyeru-lah Undang Yang Empat dan lain2 Dato’ Penghulu Luak dan Lembaga datang mengadap duli Y. M. M. menurut geleran-nya (chatetan di-atas di-buat oleh Dato’ Bentara Dalam Idris-penyusun).

Seruan menurunkan daulat yang di-buat oleh Dtao’ Seri Amar di-Raja itu ada-lah saperit berikut:—

BISMILLAHIR-RAHMANIR-RAHIM.

“Assalamualaikum Melaikat Hirjah dudok di-Matahari hidup, tolong pohonkan kepada Allah Subhanahu-Wataala hendak menabalkan anak chuchu Adam Tuanku Abdul Rahman Ibni Almarhum Tuanku Muhammad Shah

Assalamualaikum Melaikat Arshik di-kanan langit, tolong pohonkan kepada Allah Subhanahu-Wataala hendak menabalkan anak chuchu Adam Tuanku Abdul Rahman Ibni Almarhum Tuanku Muhammad Shah turun bersama2-Assalamualaikum Melaikat Arshik di-kiri langit tolong pohonkan kepada Allah Subhanahu-Wataala hendak menabalkan anak chuchu Adam Tuanku Abdul Rahman Ibni Almarhum Tuanku Muhammad Shah turun bersama2-Assalamualaikaum Melaikat Arhud di-Matahari mati tolong pohonkan kepada Allah Subhanahu-Wataala hendak menabalkan anak chuchu Adam Tuanku Abdul Rahman Ibni Almarhum Tuanku Muhammad Shah-Assalamualaikum Melaikat Arhud di-Matahari mati pohonkan kepada Allah Subbhanahu-Wataala hendak menabalkan anak chuchu Adam Tuanku Abdul Rahman Ibni Almarhum Tuanku Muhammad Shah-Assalamualai-kum Melaikat Puteh Karinni dudok di-tengah bumi, tolong peliharakan dengan baik2-Assalamualaikum Jibrail, tolong peliharakan dengan baik-nya-Assalamualaikum Israfil, tolong peliharakan dengan baik-nya-Assalamualaikum Uzrail tolong peliharakan dengan baik-nya, Wali Allah Nabi Muhammad s. w.

Peraturan adat dalam Istana.

Alkesah apakala duli Yang Maha Mulia telah mangkat, Y. T. Mulia Tengku Besar telah bertitah kapada Orang Empat Istana bersiap dan bersedia mengikut chara mana peraturan adat istiadat bagi kemangkatan itu serta memberitau Penghulu² Tanah Mengandung dan mempersilakan Undang Yang Empat mengikut aturan adat sediakala. Maka di-dalam istana pun di-hiasi-lah dengan salengkap dan saindah pakaian serta disediakan pelemba sembilan tingkat tempat jenazah Almarhum dan alat kebesaran pun di-turunkan dan di-pasang kiri kanan halaman istana, ia-itu:—

- 16 payong kuning.
- 16 tombak
- 16 keris panjang
- 16 tunggul panji²

Serta meriam pun di-pasang orang-lah 32 puchok di-atas bukit Gitan Seri Indera ia-itu alamat memberi tahu kapada ra'ayat negeri.

Yang Mulia Tengku Zakaria Setia Usaha Sulit bagi kawawah duli Yang Maha Mulia memberi perkhabaran dengan telephone kapada Yang Berhormat Tuan British Resident Negeri Sembilan menyatakan duli Yang Maha Mulia telah mangkat jam 2.45 petang serta meminta dengan jalan Yang Berhormat Tuan British Resident menyampaikan kapada Yang Terutama High Commissioner Chief Secretary, Resident Perak, Resident Selangor, Resident Pahang dan Raja² Negeri Melayu yang bersekutu dan yang tidak bersekutu.

Yang Amat Mulia Tengku Laksamana menghantar telegram kapada Undang Yang Empat, Dato' Bandar, Dato' Muda Linggi, Dato' Inas, Dato' Gemencheh, Dato' Ayer Kuning dan kapada Member² State Council dan kapada kerabat² yang jauh. Maka pada hari itu Yang Berhormat Tuan British Resident Negeri Sembilan, Undang Yang Empat, Anak² Raja dan Tuan² Puteh mana yang dekat berhimpun-lah dalam istana dengan beberapa kemashgholan dan kedukaan masing².

Hari Yang Kedua kemangkatan Almarhum.

Maka pada hari ini-lah (2.8.33) Dato'2 Undang Yang Empat mengadakan mashuarat di-Balai mashuarat Seremban kerana menetapkan siapa yang akan menjadi ganti Almarhum yang telah mangkat memerintah kerajaan Negeri Sembilan, maka mashuarat itu mulai bersidang dari pukul 10 pagi hingga pukul 2 petang dan pada hari itu dapat-lah ketetapan dan keputusan siapa yang akan menjadi ganti Almarhum, akan tetapi keputusan itu tersimpan dalam rahsia di-antara Undang Yang Empat dengan Yang Berhormat Tuan British Resident Negeri Sembilan. Maka lepas dari mashuarat Undang Yang Empat pun lansong ka-Seri Menanti dan berkhabar kepada Tengku Laksamana dan Tengku Zakaria mengatakan esok pagi (3.8.33) akan di-makamkan jenazah almarhum serta di-adakan istiadat melantek, siapa ganti-nya dan pada hari ini jua di-adakan istiadat bersiram jenazah almarhum itu dengan beberapa istiadat-nya seperti yang tersebut di-bawah ini:—

1. Jenazah almarhum di-letakkan di-atas suatu geta dengan di-pangku oleh orang daripada ayer kaki lengkongan.
2. Di-kiri kanan jenazah almarhum di-kawali oleh juak2 pegawai yang memegang alat kebesaran seperti pedang dan tombak serta 96 budak kundangan dengan memegang jawatan masing2 ia-itu:—

32 orang memangku tiang dian yang sudah terpasang.

32 orang memangku gebok ayer.

32 orang memangku abu (perasapan) yang terletak di-atas batil yang kaemasan.

Sa-telah mustaed sakelian-nya di-persilakan oleh Orang Empat Istana Putera Yang Empat, ia-itu Y. T. M. T. Besar, Y. A. M. T. Laksamana, Y. A. M. T. Muda Serting dan Y. A. M. T. Penglima Besar menyiramkan jenazah almarhum lepas sa-

orang, sa-orang bergeler², kemudian di-persilakan pula Undang Yang Empat memperbuat demikian itu jua, sa-telah lepas dari-pada istiadat menyiramkan itu di-turut oleh siapa yang di-khaskan bagi menyiramkan jenazah itu hingga selesai, kemudian daraipada telah di-kapankan dan di-mamikan, maka jenazah almarhum di-angkat orang-lah di-letakkan di-dalam sa-buah keranda yang telah sedia terhias dan terletak di-dalam bilek persenangan.

Hari Yang ketiga kemangkatan almarhum.

Pada hari ini (3.8.33) penuh sesak-lah di-dalam dan di-luar kota istana oleh hamba ra'ayat negeri datang berhimpun, kerana pada hari yang tersebut akan di-makamkan jenazah almarhum serta akan di-adakan istiadat melantek siapa akan jadi ganti almarhum memerintah Negeri Sembilan, berbetulan jam 2 petang Undang Yang Empat, Y. A. B. Tuan Chief Secretary, Y. B. Tuan British Resident Negeri Sembilan dan sakelian wakil² pun sampai ka-istana berbetulan jam 3 petang istiadat mentakhtakan ganti almarhum menjadi Yang di-Pertuan Besar akan di-adakan oleh Undang Yang Empat di-Balai Besar, maka Putera Yang Empat dan segala Putera² dan Puteri² di-persilakan oleh Yang Mulia T. Zakaria ka-Balai Besar dudok pada tempat dan taraf masing², maka terlebih dahulu daripada di-adakan istiadat itu Tuan Secretary Resident, Tuan District Officer, Kuala Pilah dan Dato' Bentara Dalam telah sedia mengatur segala tempat kedudokkan itu.

Sa-telah mustaed sakelian-nya dudok di-tempat masing² Y. A. M. Dato' Kelana Imam segala Undang bangkit berdiri di-hadapan singgahsana lalu bersabda:—

“Anak putera yang mempesakakan Yang di-Pertuan Besar Negeri Sembilan dan anak putera yang tidak mempesakai Yang di-Pertuan Besar.

Maka yang di-katakan sa-kechik² (kechil) anak putera sama besar dengan Undang ia-lah anak putera yang mempesakakan Yang di-Pertuan Besar, itu pun tentang adat alat jamu dan tidak tentang memerintah negeri.

Penghulu Tanah Mengandung dan pada masa ini dipakaikan perkataan Undang Tanah Mengandung sepanjang kata adat dengan pesaka menduakan pedang memanchong, dalam alam menduakan keris menyalang dalam luak pantang adat dengan pesaka.

Ada-lah darihal ka-bawah duli Yang di-Pertuan Besar Muhammad Shah telah mangkat karahmatul-lahi Taala sudah tiga hari, maka dalam tiga hari ini ia-lah Undang yang memerintah Negeri Sembilan ini.

Maka pada hari ini Undang Yang Empat sudah berkebulatan memilih menjadikan Tengku Muda Abdul Rahman menjadi Yang di-Pertuan Besar Negeri Sembilan”.

Kemudian daripada itu Dato' Kelana Putera berkhobar kapada Yang Amat Mulia Tengku Laksamana meminta persilakan Tengku Muda Abdul Rahman naik ka-atas singgahsana takhta Kerajaan lalu Y. A. Mulia T. Laksamana mempersilakan naik serta mengadap menjunjong duli tiga kali dengan menchium tangan duli Yang Maha Mulia, kemudian undor ka-belakang turun dari satingkat ka-satingkat singgahsana itu sa-hingga sampai tujuh tingkat, maka tiap2 turun daripada tingkat itu dengan mengangkat tangan menghalakan kabawah duli Yang Maha Mulia, lepas itu Y. A. M. T. Laksamana dudok di-tempat-nya samula, kemudian daripada itu Undang Yang Empat dengan istiadatnya mengikut susunan-nya (aturan-nya) mengadap bergilir2 lepas sa-orang, sa-orang ia-itu:-

Dato' Kelana Putera tampil mengadap menjunjong duli naik dari sa-tingkat ka-satingkat singgahsana sambil mengangkat tangan menjunjong duli apabila tampil di-hadapan duli Yang Maha Mulia lalu dudok bersila rapat meniunjong duli tiga kali, kemudidn menchium tangan duli Y. M. M. berturut2 tiga kali, maka pada tiap2 kali menchium itu dengan mengangkat tangan jua, lepas itu mengangkat tangan pula semula tiga kali berturut2 lalu turun memperbuat saperti keadaan Tengku Laksamana itu jua.

Lepas daripada Dato' Kelana, bangkit pula Dato' Jelebu, Dato' Johol, dan Dato' Rembau dengan bergilir2 mengadap menjunjong duli memperbuat saperti keadaan Dato' Kelana itu jua.

Maka pada masa Dato'2 yang tersebut itu mengadap, Dato' Kelana Putera berkhabar kepada Dato' Bentara Dalam meminta sampaikan kepada Dato' Bandar apakala lepas Undang Yang Empat mengadap, Dato' Bandar jangan mengadap dahulu kerana hendak mempersembahkan emas manah, satelah selesai Dato' yang tersebut mengadap, Dato' Kelana Putera bangkit pula sekali lagi mengadap ia-itu mempersembahkan emas manah yang terletak di-atas suatu cherana yang kaemasan dengan di-iringi pula sabuah tempat sireh berpaltut dengan songket, demikian-lah bunyi sembah-nya:-

“Sembah ampun ka-bawah duli Tuanku, patek mengadap tiga pantang, mana yang patek sembahkan, alam beraja, luak berpenghulu, suku bertua, anak buah beribu buapak, begitu-lah kata adat dengan pesaka maka dalam tiga hari ini patek sakelian untong melambong malang menimpa ia-lah ka-bawah duli Yang di-Pertuan Besar Muhammad Shah mangkat kembali Karahmatul-lah Taala.

Maka ini-lah persembahan patek Undang Yang Empat wang emas manah pada sa-orang empat bahara, sa-bahara dua puloh empat ringgit (\$24/-) ia-lah kata adat dengan pesaka, hidup berbelanja, mati berkerajat, maka persembahan patek ini mati berkerajat Tuanku Muhammad Shah”.

Lepas daripada Dato' Kelana mempersembahkan emas manah bangkit pula Dato' Bandar, kemudian Dato' Muar, Dato' Jempol, Dato' Terachi, Dato' Gunong Pasir, Dato' Muda Linggi, Dato' Inas dan Dato' Gemencheh mengadap menjunjong duli dengan bergilir2 memperbuat saperti keadaan Dato' Kelana jua (peringatan: Dato2 Ayer Kuning tiada hadir).

Sa-telah selesai Dato'2 yang tersebut itu mengadap Dato' Bentara Dalam mempersembahkan suatu ucapan yang

akan di-bacha oleh ka-bawah duli Yang Maha Mulia sendiri dan duli Yang Maha Mulia pun bangkit daripada kerusi singgahsana melafadzkan ucapan saperti demikian bunyi-nya:-

Uchapan duli Yang Maha Mulia.

“Besar kedukaan dan kemashgholan kami pada masa ini kerana kemangkatan Seri Paduka Y. M. M. Ayahanda kami Tuanku Muhammad Shah G. C. M. G. dan K. C. V. O. tiada-lah dapat kami lafadzkan yang ia telah memerintah selama 45 tahun dengan beberapa adil dan murah-nya nyata-lah kapada kita sakelian-nya kerana kemajuan yang telah berlaku di-dalam negeri ini.

2. Pada hari ini telah di-angkat kami menjadi raja Negeri Sembilan dan sedia maalom kami besar-nya dan berat-nya kewajipan tanggungan kami itu, perchaya kami yang keadilan almarhum itu tiada-lah dapat kami menurut dengan salengkap-nya, tetapi yakin-lah Undang sakelian dan anak2 raja dan Yang Berhormat penasehat2 bahwa kami dengan beberapa daya upaya menjalankan keadilan bagi keamanan dan keselamatan sakelian hamba ra'ayat mereka2 yang dudok seluroh alam Negeri Sembilan ini.

3. Perchaya-lah kami yang kemesraan persahabatan di-antara Great Britain dengan Negeri Sembilan ini tiada-lah berubah2.

4. Dan perchaya-lah kami pernaongan negeri ini di-bawah Great Britain tiada-lah bertukar sedikit pun”.

Tertulis kapada 3 August, 1933.

Sa-telah selesai duli Yang Maha Mulia membacha ucapan itu lalu turnu dari atas singgahsana berjabat salam dengan Y. A. Berhormat Tuan Chief Secritary, Y. B. Tuan British Resident, Undang Yang Empat dan segala wakil2 dan kapada putera2 yang berpangkat, kemudian duli Y. M. M. berangkat masok ka-istana di-iringi oleh sakelian yang hadzir kerana hendak menyempurnakan istiadat memakamkan jenazah al-

marhum, setiba duli Y. M. M. di-dalam istana, kabawah duli Y. M. M. Sultan Selangor telah sedia menanti baharu sampai dari Kelang, lalu duli Y. M. M. berjabat salam antara kedua dan jenazah almarhum pun di-angkat orang-lah keluar istana dengan di-naikkan sabuah kenaiakkan yang telah terhias dengan beberapa perhiasan daripada sutera2 kuning belaka, maka apakala jenazah almarhum telah di-peresemayamkan di-atas kenaiakkan itu, Y. M. T. Zakaria dan T. M. Shariff mengatur istiadat keberangkatan itu ia-itu saperti peraturan di-bawah ini:—

Peraturan perangkatan bagi jenazah almarhum duli Y. M. M. Tuanku Muhammad Shah ka-makam pada 3 haribulan August, 1933.

1. Pegawai2 yang berjawatan.
2. Kadzi2 dan Ulama2.
Di-tengah2 jenazah almarhum.
3. Pegawai2 yang berjawatan.
4. Duli Y. M. M. Yang di-Pertuan Besar Negeri Sembilan bersama2 dengan Sultan Selangor.
5. Kerabat2 almarhum yang karib.
6. Y. A. B. Tuan Chief Secretary, Tuan Resident, wakil2 Undang Yang Empat dan pegawai2 yang memakai uniform.
7. Anak2 raja dan Tuan2 Puteh.
8. Hamba Ra'ayat,

Sa-telah mustaed sakelian-nya, jenazah pun di-osong oleh Pegawai Sembilan Puloh Sembilan yang telah sedia di-aturn lebeh dahulu oleh Tuan Albary Engineer Kuala Pilah bersama2 dengan Dato' Bentara Dalam, maka apakala kenaiakkan itu berjalan meriam pun di-pasang-lah sa-banyak 68 puchok tanda kehormatan-nya ia-itu mengikut usia almarhum itu 68 tahun.

Maka pada masa perarakan jenazah itu berangkat melalui pintu kota istana, di-kiri kanan jalan itu di-sambut oleh satu pasukan kehormatan daripada Pegawai Jabatan Hutan (Forest Guard) dengan berdiri betul dan mengangkat tangan ka-dahi, bahwa pada masa melalui sapanjang jalan itu kelihatan-lah berpuluh2 ribu hamba ra'ayat tua dan muda, hina dina mengiring jenazah itu sahingga padang dan jalanraya semuanya penuh sesak oleh manusia daripada tiga bangsa terutama sekali Melayu-lah yang terlebih ramai, maka apakala jenazah itu hendak sampai ka-makam di-sambut pula oleh kawalan kehormatan daripada pasukan M. V. I. Negeri Sembilan dengan beberapa orang Officer-nya beratur di-kiri kanan jalan hendak masuk ka-pintu makam itu dengan berdiri betul dan menundukkan batu kepala ka-bawah, lebih kurang jam 4.30 petang jenazah pun sampai-lah ka-makam, maka sakelian tuan2 alim, haji2 dan lebai2 pun berhimpun-lah kerana menyembahyangkan jenazah itu lebih kurang 400 orang, sa-telah selesai daripada di-sembahyangkan itu, jenazah pun di-angkat orang-lah kerana di-makamkan, maka tatkala jenazah itu di-makamkan duli Y. M. M. Yang di-Pertuan Besar Negeri Sembilan, duli Y. M. M. Sultan Selangor, Y. A. B. Tuan Chief Secretary, Tuan Resident, Undang Yang Empat dan sakelian wakil2 semuanya ada belaka menghadapi, maka lebih kurang jam 6 petang istiadat memakamkan itu pun selesai-lah, duli Y. M. M. Sultan Selangor dengan segala pengiring-nya dan wakil2 sakelian pun berangkat balek ka-negeri masing2.

1. Sedekah kapada anak2 raja 6 suku pada sa-orang.
2. Sedekah kapada putera Yang di-Pertuan Besar 12 rupiah pada sa-orang.
3. Sedekah pada Dato' Bandar Penghulu Tanah Mengandong, Gemencheh, Ayer Kuning, Inas dan Iinggi pada sa-orang 6 suku.
4. Sedekah pada Lembaga yang mengadap dan kepala waris pada sa-orang 3 suku.

**GAMBAR2 YANG MEMBAWA KENANGAN BAGI
Tuanku Munawir dan Tuanku Ampuan Durah.**



**Dalam Istiadat melantek T. Ampuan Muda
di-Istana Besar Seri Menanti.**



Dengan keluarga 1946.



**Dalam Jamuan Tea Hari Keputeraan Almarhum
T. A. Rahman 24.8.1959, di-Istana Besar Seri Menanti.**



Dalam pasukan Home Guard.



Baharu Kahwin 1940.

Keluarga di-Raja Negeri Sembilan.



D. Y. M. Mulia bersama2 dengan D.Y.M.M. Tuanku Ampuan Negeri Sembilan serta Putera dan Puteri2 Baginda, gambar ini di-ambil khas kerana buku "Takhta Kerajaan Negeri Sembilan" ini.

5. Sedekah kapada lembaga di-dalam Jajahan Kuala Pilah pada sa-orang 2 suku.
6. Sedekah kapada Lembaga di-dalam Luak Undang sa-orang 2 suku.
7. Ampun kurnia kapada Orang Empat Istana sa-bahara (\$14/-).
8. Sedekah kapada Dato' Bentara Dalam dan Bentara Perempuan 6 suku sa-orang.
9. Sedekah kapada Pegawai yang enam pada sa-orang 3 suku.
10. Sedekah kapada apit Lempang pada sa-orang 3 suku.
11. Sedekah kapada Pegawai 99 pada sa-orang satu suku.
12. Sedekah kapada Buapak pada sa-orang satu suku.
13. Sedekah kapada Besar Lingkongan pada sa-orang 3 suku.
14. Sedekah kapada kakanda raja 6 suku.
15. Sedekah kapada Penglina Gajah dan Mangku sa-orang 6 suku.
16. Sedekah kapada Undang Yang pada sa-orang 6 suku.
17. Bertabor bunga mas dan wang.
(peringatan: suku berharga 25 sen, arti-nya suku dari satu ringgit-penyusun).

Hal demikian-lah ada-nya, tamat, di-susun dan di-karang oleh al-hakhir al-fakir-Idris, Dato' Bentara Dalam, 1-1-1934.

SALAH CHETAK.

MUKA SURAT	BARIS	SALAH	BETOL
1	19	di-tuliskan orang2, ra'rat	di-tuliskan oleh orang2, ra'ayat
5	2	Menananti	Menanti
5	27	selaian	selain
5	28	melaui	melalui
7	15	kterangan	keterangan
9	5	menyemnda-lah	menyemenda-lah
9	6	suka	suku
11	35	mangodap	mengadap
12	20	mengurniakan	mengurniakan
16	29	Dtao'	Dato'
17	9	hama	nama
19	29	duli Maha Mulie	Duli Yang Maha Mulia
19	35	benar-nya belaka-kah	benar-nya saudara belaka-kah
20	10	thu	tahu
20	14	kemudaian	kamudian
20	15	sebilan	sembilan
21	28	kapeda Orong	kapada Orang
21	31	iateri	isteri
25	21	dalama	dalam
26	16	sebab	Sebab
26	34	Naing	Naning
29	12	puetra	putra
31	8	berumpr	berumor
32	salasilah	T. Ulin	T. Alin
32	27	mennati	menanti
34	9	Mennati	Menanti
36	17	Ibn	Ibni
44	16	kerjaan	kerajaan
44	22	Mohhamad	Muhammad
46	18	tabdir	tadbir
46	22	Superntendent	Superintendent
51	6	beleh	boleh
51	13	gaku--yang	tinggalkan sahaja
57	8	Johal	Johol
57	22	berialan-lah	berjalan-lah
65	1	Muammad	Muhammad
65	12	bersamman	bersamaan
65	23	Muahammad	Muhammad
70	27	mengubtai-nya	mengubati-nya
70	27	nbatan2	ubatan2
70	35	Yang Maha oleh	Yang Maha Mulia oleh
70	36	kut	kuat
76	17	heribulan	haribulan
81	10	bergelombng	bergelombang
82	18	mengitiharakan	mengistiharkan

MUKA SURAT	BARIS	SALAH	BETOL
84	1	menadang	memandang
85	20	pemeangku	pemangku
85	26	Bagitu	Baginda
85	29	di-ishtiharakan	di-ishtiharkan
86	24	pda	pada
91	27	menurunkan	menurunkan
91	27	Dtao'	Dato'
100	31	linggi	Linggi
103	19	Undang yang pada	Undang yang Empat pada
109	29	Yang Mulia	Yang Maha Mulia
110	19	Pahawan	Pahlawan
115	3	msutahak	mustahak
115	24	seceretary	secritary
116	26	perturan	peratoran
116	26	istiada	istiadat
120	1	mehanti	menanti
122	24	Undong	Undang